


**PREDICCIÓN** Un temporal atlántico deixará precipitacións desde hoxe, con posibilidade de treboadas e cunha progresiva baixada dos mercurios

# UNHA SEMANA DE CHUVIA, VENTO E FRÍO EN GALICIA



As praias galegas, na maxe, a ca Ornarada cu das Gaivotas, en No a, enchéronse esta fin de semana cos primeiros bañistas da temporada.

**FORTES REFACHOS ENTRE FISTERRA E BARES, E EN XERAL EN TODO O LITORAL DE CARA Ó MÉRCORES**

Redacción - Santiago

Pode parecer increíble, incluso imposible, falar da chuva agora que vimos de disfrutar, os galegos, duns días de verdadeiro estío. Pero a realidade que nos agarda é esa: volven as precipitacións á comunidade. E non venien soas.

O frío e o vento tamén serán protagonistas nesta semana que hoxe mesmo estreamos. Xa nolo avisaba Ángel Rivera, voceiro da Axencia Estatal de Meteoroloxía (Aemet), días atrás: hoxe, luns, entra un temporal atlántico que deixará chuvias importantes e que se irá desprazando desde Galicia a toda a península a medida que avance a semana.

“É unha boa nova porque hai tempo que non tiñamos un temporal deste tipo —comentou Ángel Rivera—. Con todo, pode axudar un pouco pero non é a solución á seca. Terían que producirse temporais sucesivos como este ó longo da primavera para que se paliara o déficit hídrico”, engadiu Rivera.

Onte mesmo, en Galicia xa se notou a baixada das temperaturas. Unha tendencia que seguirá durante á semana e que nos deixará unha situación ben diferente á destes días.

## O mesmo para a fin de semana

A influencia da borrasca pers irá na segunda metade da semana, polo que as probabilidades de que chova mantéñense altas de cara á fin de semana próxima, segundo estimacións de Meteoroloxía

CANARIAS

## Activan a alerta laranxa nas illas

A Dirección de Seguridade e Emerxencias do Goberno de Canarias declarou onte a situación de alerta laranxa na provincia de Santa Cruz de Tenerife por ventos de compoñente oeste con refachos máximos de cen quilómetros por hora en zonas altas das illas

AMAINA O TEMPORAL

## O Estreito recupera a normalidade

A redución da forza do vento na área do Estreito permitiu onte que as navieras puidesen renovar todas as rotacións previstas entre os portos de Ceuta e Alxeciras (Cádiz) logo de sufrir o sábado ata catro cancelacións na liña. Segundo informaron fontes portuarias, os buques de alta velocidade das navieras Acciona Transmediterránea, Euroferrys,

Así as cousas, e segundo as predicións de Meteoroloxía, hoxe, luns, a nosa comunidade queda baixo a influencia dunha área de baixas presións que nos traerá ceos moi anublados pola mañá e precipitacións xa de cara a tarde, que poden vir acompañadas de treboadas.

Polo que respecta ás temperaturas, as máximas aínda roldarán os 20 graos en Ourense e os 18 en Vigo e Pontevedra, pero as mínimas caerán ata os cinco graos en Lalín ou os seis na cidade de Lugo. Os ventos, soprarán con intensidade forte entre Bares e Fisterra.

Mañá, martes, esta situación farase máis intensa, agardándose máis chuvias por ficar Galicia baixo a influencia das baixas presións. Os ceos seguirán, pois, moi cubertos e seguirá chovendo, con precipitacións de carácter localmente moderado, segundo Meteoroloxía. As temperaturas mínimas manteranse, pero as máximas reducense entre un e dous graos mañá.

Polo que respecta ós ventos, serán moderados no litoral, pero faranse fortes entre Bares e Fisterra de cara a tarde. Os refachos, con todo, deixaranse notar con maior intensidade xa de cada ó mércores, pois se prevé que os fortes ventos xa non se limiten á zona Bares-Fisterra e se extendan a todo o litoral, mentres e que no resto da comunidade serán, en xeral, moderados.

Unha borrasca deixará as máximas por debaixo dos 16°

A situación o mércores, polo de mais, seguirá a tónica xeral de días anteriores: unha borrasca atravesará a nosa comunidade desde o Atlántico, o que manterá o tempo moi chuvioso e os ceos moi cubertos. As precipitacións serán máis intensas e xeralizadas de cara a tarde, mentres que os termómetros manteñan a súa tendencia á baixa, con mínimas estables e máximas que non superarán os dezaseis graos. ●

## 2.500 EUROS

Por nacemento de fillo ou por adopción

## Case 5.400 pagamentos en marzo do 'cheque bebé' na comunidade

Un total de 5.386 familias cobraron os 2.500 euros por fillo ou adopción o pasado mes de marzo do 'cheque-bebé' que puxo en marcha o Goberno a mediados do mes de novembro pasado.

Máis de 360.000 familias cobraron os 2.500 euros do 'cheque-bebé' en España, segundo os datos dos que dispón a Axencia Tributaria. Ademais, unhas 1.300 familias monoparentais (como as nais solteiras), numerosas ou aquelas cuxa proxenitora teñen unha discapacidade superior o 65% recibiron os mil euros adicionais que lles corresponden por ter ou adoptar un fillo nestas circunstancias.

En concreto, recibiron esta subvención complementaria 838 familias numerosas, 448 monoparentais e 18 que teñen unha nai discapacitada.

Durante o mes de marzo, 123.036 nais recibiron os 2.500 euros por fillo ou adopción. Por comunidades autónomas a relación é a seguinte: 24.805 en Andalucía, 2.993 en Aragón, 1.720 en Asturias, 2.948 en Baleares, 5.513 en Canarias, 1.563 en Cantabria, 4.455 en Castela-León, 5.288 en Castela-Mancha, 22.457 en Cataluña, 2.823 en Extremadura, 5.386 en Galicia, 16.591 en Madrid, 4.350 en Murcia, 3.679 en Navarra, 5.902 en País Vasco, 794 na Rioja, 13.254 en Valencia, 285 en Ceuta, e 261 en Melilla.

## Máis de 900 millóns en toda España desde 2007

Deste xeito, se se suman todos os importes, o Goberno concedeu ata agora máis de 900 millóns de euros por esta prestación económica, que foi anunciada o 4 de xullo do ano pasado polo presidente do Executivo, José Luís Rodríguez Zapatero, no Debate sobre o estado da Nación. “España, para seguir progresando, necesita máis familias e con máis fillos. E as familias necesitan máis apoio para ter eses nenos e máis recursos para crialos”, asegurou Zapatero. As nais que desde o 1 de xullo de 2007 dean a luz ou adopten un neno recibirán unha paga de 2.500 euros que se pode cobrar como dedución na cota do IRPF, ou como a prestación non contributiva da Seguridade Social.

As familias monoparentais, numerosas ou cuxa nai é discapacitada perciben 1.000 euros máis que o resto a través dun pagamento único da Seguridade Social, sempre que o nacemento ou a adopción se produciu despois do 16 de novembro. ● E.P.